

咸陽朴氏世譜序

戊午譜序

惟我咸陽之朴其來也遠矣新羅八公子分封之後世系官爵雖不可及至始祖諱善仕麗朝爲尚書其子孫之分居國中者不知其幾千百而尋流知源則莫非一水之所分派尋葉知根則亦莫非一木之所條暢而後屬疏遠視猶路人古人所譏欲知草木蟲魚之名而不知吾祖宗所自出者誠是矣不佞病伏遐鄉聞見孤陋常以氏族之不得詳病于心者久矣乃今和順南平二使君皆以我宗人一時並莅于隣邑恬得叨其後塵而常叙敦宗之誼南平倅示余以家傳舊譜其所記載者頗纖悉廣博而亦豈無疎略之處乎每相對以爲患謀所以修正之道二太守以謂恬杜門處靜可以專心於編輯之役於是各以其家藏世譜見屬焉是固恬平生之願也其何敢辭乃就二太守所錄之譜而叅以己所聞見又送書諸宗人裒集其繼譜而彙爲五篇凡歲二周而始脫藁二太守鳩工八梓又不旬月而功告訖此非吾同宗之幸歟嗚呼出於一人之身而至爲所不知何人則斯固人人之所共傷而今以一人之出合錄於一牒中然後依然有充堂衍宇之樂程張兩夫子嘗以明譜收宗爲第一義者其以

此乎然則是譜也於本祖合族之道亦可謂重且大矣恬又竊念族譜之成要
速不要詳而宗黨之各處遐遠者既難一一詢訪矣二太守居官遲速又不可
知及其視篆之日以要剗之役故不能遍問而俱錄焉觀者無亦歉然於此
乎若復繼此而收錄之以為修述之地則吾宗姓之譜永有光於無窮而今之
或漏不必害於世胄之稱矣豈非吾宗族諸賢之責也歟

崇禎紀元後戊午四月晦日後孫恬謹識

咸陽朴恬養叔譜其先系以及內外諸派余亦朴氏之彌甥故祖子孫三世亦
載錄其中養叔為是也問序於余余以為譜既次列其昭穆及其生歿官爵葬
埋所在統緒離合又略記其事行序在其中矣又何贅為惟古人於此寓勸戒
而勵子孫者多矣歐陽與蘇氏之作其最著者也然人皆誦而言之亦不足以
豐床而架屋也無已則有一說焉此譜首記羅祖赫居世起於漢五鳳元年而
不言其得姓為朴之由豈以恠誕不經而不言耶雅人莊士或羞稱之而陽村
權近亦於東史深闢之深闢之誠是也然氣化之說先儒論之甚詳今雖不可
謂真有此事亦不可謂元無此理也春秋有傳疑之法愚以為此當兩存之以
俟夫窮玄極微之君子出而辨之未知養叔以為如何

崇禎紀元之上章渚灘閏三月恩津宋時烈序

甲戌譜序

吾族古無譜也粵在戊午家君宰南平姓文成阜氏適又在隣邑以後屬漸疏世派無譜為恨遂哀集家藏草譜暨諸派系牒然攷證訂彙為五篇同宗人恬氏實編輯之厥後嶺南諸宗姓投示一譜以書質之曰湖中所刊譜某派有訛某名有誤當以是改正此果坐於宗黨在遠未易遍訪所收錄不無疎漏恬氏之識固已慮于此也家君亦瞿然有意改刊蓋日月矣茲者余叨湖闡公餘取新舊譜讎之訛誤者固勿論而其所詳略較然亟以新譜入于梓然始也編輯未嘗不纖至廣博而今顧以疏漏訛誤有所改刊則亦安知他日不猶今之視舊譜也且也舊譜人或以忽於本宗詳於外裔病之茲以外裔定代數錄止玄孫恐不悖於尋源知派之道而得無以是罪余也歟略叙顛末並存恬氏識以便後攷云

甲戌暮春後孫湖南觀察使慶後叙

戊申譜序

吾貫舊未有譜中間始有戊午甲戌二譜而戊午譜不免有錯互甲戌譜幸改

正之而恨收錄不徧見漏者幾半之每諸宗相聚謀所以踵修而成完譜者亦有年而久未遑也數年來始相與定議議以今年十月始事始一宗人通知于京鄉各處而因以主事責不佞不佞於此事素昧昧兼老病昏愆誠無以承當而顧平生苦心有在惟以得見其成為幸遂不能辭而冒為之其於讎校編次亦既用盡心力矣竊自謂或可免大戾而條例甚繁精力有限其果有以滿今日之心而免後人之指議亦何可必也至若凡例則舊譜雖不免疎漏而大體自無可議今只當依而為之間有宗支嫡庶之際不能無斷斷之爭者其近而新而有可據之案者或當不容無改正其在久遠而不可詳者只得一從舊譜其或別有所偽濫之冒者其聲問相接而可按據者固不容少置情面其居住絕遠平日所不能相及而今無以核其真濫者亦姑當依其所修而錄之或恐為主事者欠審慎之咎而此固無可如何也嗚呼甲戌後九十六歲始成此牒未知後此又幾十年有能踵而為之者也此今日諸宗之所以望於後人者甲戌後九十六年戊申十二月日後孫遠慶謹識

丁未譜序

族氏之書古蓋屬之于官周禮小史奠繫世辨昭穆小宗伯掌三族別親疏春

秋祭酺族師又書孝友睦婣有學者如有不孝不友不睦不婣者大司徒以鄉刑糾之嗚呼其為教至矣不知何時遂廢然丘壇山以為唐以前屬於官而宋以後人家自為之此人家族譜之始也雖與立官設教有間其本祖合族而與於孝友睦婣之道則實均焉故君子重之吾族氏肇自羅麗世著名德號為東土巨族而尤謹於此事自戊午甲戌至 正廟戊申凡三度修刊蓋亦勤矣然今距戊申為六十年每擬議續成者已久而中因一宗人誤事事遂已諸宗老以是為恨丙午秋使族姪周觀周尚等收議遠近圖所以改創者皆應曰諾於是以前明年丁未相與開局于醴泉普門寺推族兄上舍駿寧氏句管其事而若元象祥履致陽陽燦在淳致延厚鎮玄洙諸宗實左右之他並分掌有差署旣訖無不一心者董而不佞與族姓周鏞亦始終効力焉其條例則一遵舊譜而特加詳於葬埋祭祀之所在事實則自碑表狀記以及 國史野乘輿覽子書如可采則采之世代則記元號 廟號以別其上下而於羅祖八大君事以其源派所自也竊嘗僭有及錄而諸宗又取而編印凡十閱月而始克斷手於是衆族而賀之旣而歎曰吾東譜家之盛莫今日若也殆亦庶幾於古人合族之遺而跡其要歸成效只是按系派備傳紀而已其能興起於周官之教則蓋無

幾焉噫此非吾譜之所當鑑乎乃與之約曰同吾譜者親者盡其恩疏者盡其仁近者相為往來遠者相為問訊窮而力可濟者周之患難而力可及者救之又曰不孝無親不友無兄弟不睦無宗不嫺無戚此四者皆非人倫也族人相與教之教之而不率者斥而不齒至悔焉然後反之務勤儉抑驕奢勸德業引道義以同歸于厚一有否者吾譜之所大戒也可不勉乎僉曰當奉而無失且詔于後人俾有所據守焉遂書之以為序

崇禎紀元後四丁未冬十二月朔朝後孫孺寧謹述

己酉譜序

朴氏之本俱出羅王於東國氏族最舊而著矣派分支別各有封貫咸陽其一也嘗收族為譜而我文正先祖以文弁其卷端矣厥后世代浸遠子姓漸蕃難以舊譜識別也今其諸宗合聚而重刊之以舊序之出於吾祖又此遠來請續其意良勤不可孤矣謹按舊序有曰譜既次其昭穆及生歿官爵又略記事行序在其中矣他人何必贅焉又曰古人之寓勸戒歐蘇之作最著人皆誦傳亦不足疊架也今又焉用刺語徒費剗剔之工哉譜既成矣按而考之自當各知來處緣本以尋其支原源以沿其流須於花樹嘉會以歐蘇勸戒之語胥訓而

交勉則朴氏之門曷不益熾而昌歟
崇禎四己酉冬恩津宋達洙序

跋

族譜何為而作也古人慮其代遠而忘本傷其親盡而情疎推本所自出之先祖而臚列內外孫之文派使其疎者遠者觀此而知其本枝之聯綿感此而敦其服總之降殺族譜之義不亦重且大乎人見樹木則皆知其一本之萬枝而不知吾體之分亦若是也為之譜系其派而後如見其樹木之本枝而興感於派分則是又族譜之所不可無者也惟我咸陽之朴厥初降生之世代邈矣悠哉新羅八公子分封之後嬋媿官閥繁見文獻而至鼻祖諱善只仕麗朝庸進尚書迄于李朝六派子孫分居國中顯赫人地承襲簪纓其麗千百則伊後譜牒之修錄昉於戊午中於甲戌繼於戊申而某孫之出於某先彼派之分於此派某宗之居於某鄉可謂纖悉源委而間或有審慎中件午之蹟所可恨者只緣百歲之後難作九原之人憑聞無路哉去辛丑一宗人設譜廳遽至矛盾居然虧費矣兩南諸宗不勝忿慨刊出族譜者非不誠意而苟非大同之譜則遠者愈遠疏者益疏誠可恨也京鄉師論更起去己酉春設譜所於雲峰百丈

而發通八路裒集各處家乘則是之謂卿從庶從之大同而所可欠者靈巖一派以宗支之爭梗不入收單便同鄧林片葉滄海勺水而顧其樹尋其源則竊為慨然矣此外捧單昭詳離枝筆削煩翫叅互真贗昭穆不失序次則顧本之木自有根柢俯梓之喬各成基業同條而共貫真可謂萬川明月之象一索散錢之理其在斯歟鉅梓幾成宗議齊發屬余有司之名則以余謏劣之姿蠢駘之見累度辭免不為承當則古所謂少也尚不如人况今老矣無能為者果指不佞而云矣然而至於繼述之事襍綿之才羊羊之學敢效太史公世家之序爰述庾開府江南之哀倘或免宗黨之媼笑也哉嗚呼叔孫豹有三不朽之說太上立德其次立功又其次立言則使此先世卓異之德積累之功復俟耳孫傳聞之立言圓成三不朽者豈非後人之覽此譜而孝悌之心油然而自生乎克遵程張兩夫子明譜收宗之義極費精力綜覈疎漏而亦安知他日不猶今之視舊譜歟略叙顛末以俟後世子雲堯夫云爾

崇禎紀元後四庚戌九月日後孫載熙謹跋

癸丑譜序

我族氏祖羅王其世代史記之至麗代多隆顯也史書之逮夫 李朝且奕

繫行也譜書始修焉叔世以來累刊而至五度其年紀時世可按而知也悠悠
人世星霜嬗變丁巳之歲已六十餘禩矣當今日暮道遠人物藐然而猶不忘
於續修諸宗苦心累年聯章疊牘籲告四方稍有響合之勢故迺於辛亥冬開
局於咸陽之賜琴洞永明齋惟我 始祖尚書公衣履之阡之所在而雲仍之
所共追慕之地也嗚呼 始祖積累垂裕子孫衆多旁羅布濩於東偏相距近
者三鎗其次宿春重趼遠者聚糧之來省者希故燭蕭灑宅屬之傍近率而為
常矣何幸一原流通之心自然同湊今此設刊非昔日蕭寺緇袖之供而就於
本貫受封之鄉 先靈密通之域遠近之苗裔竭蹶趨到瞻望松楸肅敬展拜
於階墜之間因退齋廬各言 始祖為幾世分於某派以叙其情話噫聚族收
宗實媿古專媿而不佞亦以此事累徃雲鄉容根宗以文行知名殫誠為先管
是役而先之文華宗盡力勤敏幹當衆務校讎監董各有分掌而繕寫之如泳
善周煥性煥魯淳詳明縝密跨歲而編印告訖因責不佞以叙事自顧頓拙無
以勝此寄而前修之崇論已盡於引古取證之辭且况我從高祖涖灘之識族
大父護軍公協洽之叙綱條燦然其於凡例事實及勸勉之辭悉備不敢疣附
他說而猥有所發端者竊念諸宗各樹門戶必多後輩之才藝則其教誅之方

存其心而知義理之所在勿舍正而趨異以言行忠信四字為修齊之一部悖史則他日諸宗之昌熾可執契而來者之踵修普合何難哉日對本原慕切羹墻惕然敬書以示同譜之諸宗云

龍集玄默因敦鶴首節下浣後孫義集謹述

跋

吾宗之有世譜尚矣肇自 肅廟戊午逮至 憲廟己酉凡五度刊行而茲後六十有餘歲續修舊規斷不容已然時異勢殊事難周遍其枚收族厚俗之義寧不有憾乎噫去丁酉年間前承旨任實郡守始淳氏以先墓守護事有功於吾宗中而語及於世譜齋志未就而逝自茲以往人心不古意外山事為其子孫者孰不憤惋茲於去庚戌始祖墓享祀時宗論齊發翌年辛亥春與文華馨根燐根來洙汝相爰謀拮据設譜所于雲峰葛溪是年冬移設于尚書公墓下咸陽賜琴洞永明齋而浙圭在東壽寧龍鉉基休良鉉泳基圭惠柱彥興根台煥在鎬諸宗實左右之他並分掌不無盡心看董而不佞雖鹵劣安得不効力於終始乎博考廣訂彙為二十一篇閱三載告訖嗚呼我姓之其麗不億浩穰之後其成也順且速豈非祖靈在上而陰佑之乎抑亦古訓所謂人窮反本

之理耶竊惟六派子姓散在八域雖有遠近親疎之別登斯齋仰邱壠則均是一氣之分孝友睦恤之心悠然而生情誥胥悅小無間焉是固人之秉彝也矧乎成斯役也其心懇惻又非平日之比惟願同吾譜者務相親睦益復以光先啓後為志勸德業引道義終始不渝庶幾吾宗有陽復之兆而陰邪外侮亦可以消矣此不佞之所區區仰誦焉

崇禎五回昭陽赤奮若七夕日後孫議官容根謹跋

歲在癸丑流火月甲子大譜告成吁其幸矣粵在 憲廟丁未有醴之普門譜已酉有雲峰譜費功役於閱歲又難保無派單後到而不及事之歎矣自其後宗議未嘗不重重致意于續修而合修不修今且六十有餘辛亥春自葛溪始發通宗議僉同聚名單募活字是季冬移所于賜琴洞永明齋八域諸宗迭相徃來一心敦事戒或至錯誤慮或偏收錄要成得一副當大同完譜而華鎮慶根氏訂正攷校柱洪來七義夏在演周馥氏監董焉徹沫禧源漢奎在寬中錫淨書之刻期刊印又一歲而功訖嗚呼老泉所謂觀吾譜者孝悌之心油然而生吾亦云 後孫汶祚謹跋

吾宗既有屢度合譜而自已酉後經六十餘年先系寢迷後承愈蕃則不容不

續修者而族巨地濶落落難合矣緣於慶根之賢勞詢謀通諭費了幾箇春秋而始開剗刷之役焉於是乎遠近諸宗聞風響應有不遠數千里而賚單跋涉者此非人力也其必有氣數之使然而抑或祖宗之冥佑也歟以義炫之孤陋謬居攷校之列而於譜系上素多茫昧故其規模條例附之能者而功始告成惟願同譜諸宗祇守祖宗遺法孝悌為家訓學問為田地勿替引之以俟百世來許則豈非幸歟勉乎哉 後孫義炫謹跋

已卯譜序

譜者譜其宗也自世姓之學微而故家譜牒存者幾希以仁人孝子之心欲推其本於百世之上亦何所從哉夫尊祖敬宗收親睦族人道之大而法家之所由始也宗法不行而世教不立氏族之不得詳者久矣甚者牽合附會以門地官歷為矜詡幾何其不為杜正倫郭崇韜之為而挽近大姓譜不乏矣然未必盡合於古禮否也余讀咸陽朴氏譜序有曰自新羅八公子分封之後至始祖諱善仕麗為尚書子孫千百而文章名賢間作事行秩如也譜凡七刊整齊其緒儀表人倫以至宦遊嫁娶與夫為人後嫡庶之類直書婉書為例甚正昭先德洽宗盟刑仁講讓風世導俗衆善備矣是譜也氏之子孫讀之有世德之惠

使一邦讀之感發興起則譜之善尤著矣嗚呼勉之哉自其宗中請于余曰以序為重者古曾蘓二氏譜是也今吾諸族乞言于子子其圖之余休而辭曰余何敢重之重之者其終也必以賢祖肖孫乎

屠維單閼孟夏日嘉義大夫吏曹叅判兼同知 經筵義禁府春秋館成均館

事 奎章閣直提學 世子侍講院檢校輔德驪興閔丙承序

世譜跋

惟我咸陽之朴肇蹟新羅自天降祥十世相承歷二百有餘年而王靈遂寢焉
神明之後來昆克昌奕世卿宰並峙交暎年代漸遠事多賈邈先世之偉蹟後
世之分派無以考諸是由乎祀宗之無徵故也所以自 甫廟戊午始刊譜書
續刊至六度伊後世數又遠後承愈蕃不容不續修癸酉秋泰鎮東奎來鳳氏
先倡修譜五六諸宗實左右之設廳于京城安國洞經七載而告訖此賴在上
祖靈之默佑而順成也嗚呼譜所以系世代叙昭穆也然立譜之義豈但爲文
具己也必也敬其事如歐陽子公其事如蘇明允勤其事如范希文然後斯可
矣見世之赫然以名家稱者豈徒謂門右而族甲也謂其行義可法而禮教不
替也願諸宗以仰遵先懿俯昭後嗣孳孳焉相戒勉則異日吾朴之子若孫文
行孝敬且蔚然並起者未必不由於斯譜之作也寧不休哉

屠維單闕秋後孫令容萬謹跋

咸陽朴氏世譜卷之一

一世

諱善

文科朝清大夫禮部尚書
贈銀青光祿大夫樞密院事
兼咸陽郡南五里許賜琴

洞甲坐中世失傳我

肅廟辛巳姓憎思吃得公碑

石於荒原宿草間聞知于

遠近子孫義興梓起桓玄

風倅尚淳遂合議改封立

石外裔禮判閔鎮厚據神

道碑後孫觀察使慶後撰

表石陰記

純廟丁亥改立神道碑外裔

姦判金昂均撰

配郡夫人驪興閔氏古碑

只曰尚書咸陽朴公某不

書配位豈異寥寥公之德

行功業無由考據只因舊

稿增麗朝二字以表之

二世

子仁挺

文科朝清大夫禮部尚書
贈銀青光祿大夫樞密院事
公之生卒不可考謹案公

之曾孫忠質公以高宗二

十四年丁酉平李延年之

亂事載麗史自是年至毅

宗元年己卯為七十九年

歷明神熙康四王蓋祖子

孫三世多不過八九十年

小不過四五十年公之生

當在睿宗之末仁宗之初

歷仕亦在仁毅明神四朝

之間下兩世亦以此追之

墓在安義井川失傳

配

三世

子信清

文科朝清大夫禮部尚書
檢校神虎衛武德將軍

贈銀青光祿大夫樞密院事

按自高宗元年至毅宗元

年凡五十八年公之生年

歷仕當在毅明神熙之世

公之官卑以武德將軍或

作大護將軍而按麗史稱

武德者有之未見大護當

從史氏

配郡夫人金氏樂浪公按

女墓失傳

四世

子允禎

文科銀青光祿大夫判戶
部尚書太府卿致仕

贈金紫光祿大夫知門下首

事按麗朝六部皆有判事

位在尚書之上太府卿以

品高宰輔為之公蓋為明

神熙康四宗朝宰執

配郡夫人羅州孫氏文林

郎殿中內給事光裕女墓

失傳

五世

子臣麤

初諱臣寶文科銀青光祿
大夫判吏部尚書樞密院

事封凝川君

贈金紫光祿大夫上柱國判

三司事謚忠質公

配郡夫人保安韓氏主簿

尉祗女墓安義東面十五

里許飛突峴

宋嘉熙元年丁酉

麗高宗二十四年湖內賊李

延年攻陷州縣圍指揮使

金慶孫於羅州兵勢甚盛

慶孫出陣城外賊有一僧

勇悍絕倫與其眾約曰我

能擒彼美少年肩擔而歸

時在慶孫幕府出與相敵

兩刃相交莫能先斫公踴而

躍之因斬其首賊驚散追

走數十里遂斬延年餘黨悉

平事載東史及益齋李齊賢

樸翁稗說當時公必在壯

威之時生年當在

明宗之末神熙之初而在元宗之世墓失傳

六世

子之文

見下

子之彬

見下

子之亮

見下

子之秀

見下

子之温

見下

子之穎

見下

女李芬禧

見下

見下

見下

見下

見下

見下

見下

見下

見下

見下